



訂車票

這馬的網路誠方便，足濟款車票攞會當代先訂予好，才看欲去車頭提，抑是加開十籊手續費去巷仔口的便利商店提，攞誠利便。一般來講冗早訂就買有票，毋過若拄著連假，抑是拜六、禮拜，買無票嘛是真四常的代誌。

像這禮拜，我臨時欲坐高鐵去臺南共人拈香，買有去的票，煞買無轉來的，訂規晡訂無直達的車幫，不得已就訂彼號逐站停的。因為高鐵的速度足緊，算算咧是加開無佻濟時間，毋過全款的錢額，煞無省著時間，心內有淡薄仔鬱卒。講罔講，我會隨換角度思考，想好的，莫想糗的，有總比無較好。閣若恰古早用電話訂火車票比起來，早就愛萬分感謝囉！

我誠無愛假日出去恰人人映人，訂車票原本恰我較無底代，一直到我生大漢查某囡了，就開始受訂車票拖磨。囡仔生甲歡喜甲，毋過驚寫碩士論文舞袂來，就央臺南的大姊先共我鬥煮一站仔。不而過，我人較傳統閣頭擺做人老母，會毋甘囡仔無佇身軀邊，便若假日就想欲去共影一下，抱一下。結果一兩禮拜就愛訂一改車票，比寫論文閣較無閒。

彼陣欲買火車票的人，愛去車頭排列，排規晡才著你，賣票的若面清清共你講無票矣，你嘛無伊法，有影是欲哭無目屎，「苦瓜燂鯪魚，可憐啦！」後來臺鐵發明用電話訂票，嘛是慘 uainn-uainn。透早六點系統開通，我攞嘛前一暝就共志願排好勢，和筆、時間表做伙罔佇電話邊。亂鐘仔訂五點五十五分起來，五十七分開始認命戇戇仔擲電話番，定定是敲欲規點鐘，都趕欲上班矣，猶是電話中嘟嘟嘟的聲。若祖公仔有靈聖敲有通，無細膩抑毋著去，電話無血無目屎無欲捫你，叫你重敲，我(guǎ)苦！叫天天袂應，叫地地不靈。想嘛知，定著是閤敲袂入去矣。我會怪家己無細膩，氣甲強欲春壁，真正活欲予氣死，比寫論文閣較痛苦呢！一直等到共查某囡抱轉來家己飼，總算免閣過彼款氣身惱命的日子矣。

這馬有走敢若咧飛的高鐵，有網路通訂車票，若提早佇三禮拜前先訂閣有拍折。像我這款慣勢照步行的人，雖然坐高鐵有較貴，加開寡錢嘛無要緊，因為自由自在，心情歡喜，比啥物閣較值錢。時間嘛若高鐵，咻一下就到位，以前為罔走天涯予訂車票氣甲，好佳哉伊大漢乖閣捌代誌，通人呵咾，予我歡喜甲。

作者：王秀容

☆詞彙學習☆

【無彩】bô-tshái：浪費、可惜。沒有節制、無益的耗費。

【冗早】liōng-tsá：趁早、及早、提早。

【車幫】tshia-pang：班車。有固定路線並按排定時間開行的車輛。

【底代】tī-tāi：何事、什麼事、關係。

【央】iang：請求、懇求、請託。

【燂】tīm：燉、蒸煮。將食物放入密閉的烹具裡蒸煮。「苦瓜燂鯪魚」鯪魚會變苦，「苦鯪」諧音「可憐」，這是臺語的歇後語。